

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

Art. I. An Theologia sit verè & propriè scientia?

[urn:nbn:de:hbz:466:1-77232](#)



DISPUTATIO PROEMIALIS.

DE NATVRA, ET QVALITATIBVS
Theologiae.

Ad questionem 1. D. Thome.



Vn Theologia sit scientia Architectonica, omniumque suprema, & habeat non solum rationem scientiae, sed etiam sapientiae, vt infra dicemus: ad illam pertinet, non solum suum objectum, sed etiam ipsam, suamque essentiam, & proprietates contemplari. Vnde priusquam de Deo, ejusque existentiâ, natuâ, & attributis disperimus, quâdam cirea naturam, & qualitates Theologiae, breuiter hic præmittenda sunt. Eorum enim morem, & consuetudinem, nequaque imitandam putamus, qui parvum attendentes, quam latè pateat diuina sapientia domus, quam perlustrandam suscipimus, tardi in eius atrio & vestibulo immorantur, vt præludis, & prælogomenis, vix finem faciant. His ergo prætermis, sit

ARTICVLVS I.

An Theologia sit verè & propriè scientia?

§. I.

Præmittenda ad resolutionem questionis.

Notandum primò: Theologiam, iuxta vocis ethymologiam, idem esse, ac rationem, seu considerationem, vel sermonem de Deo, & rebus diuinis: vt notat D. Augustinus lib. 8. de Ciuit. cap. 1. Unde cùm de Deo, rebusque diuinis, dupliciter sermo vel consideratio esse posse; nimirum vel ex discursu rationis naturalis, vel ex lumine diuina revelationis, duplex etiam distingui solet Theologia. Una naturalis, quæ *Metaphysica* appellatur; & alia supernaturalis, & Christiana, quæ ex principiis reuelatis, suas deducit conclusiones, & quam D. Thomas hic, *Sacram doctrinam*, appellat; & de hac solum nobis in præsenti est sermo.

Notandum secundò: Theologiam propriè di-

Tom. I.

A Etiam, de qua hic agimus, diuidi primò in Theologiam increatam, quæ est in Deo; & creatam, quæ in creaturis rationalibus, Angelis scilicet & hominibus, reperitur. Secundo Theologiam creatam, subdiudi in Theologiam eorum qui sunt in viâ, quæ ex principiis fidei suas inferat conclusiones; & eorum qui sunt in patriâ, quæ ex principiis clarè cognitis, & per Dei visionem manifestatis, easdem veritates & conclusiones deducit. Tertiò Theologia viatorum diuiditur in acquisitam, que studio ac diligentia humana comparatur, & infusa, quæ à Deo immediate infunditur: qualis fuit in Prophetis, & Apostolis, aliisque Sanctis *Thetaſidatoſis*, id est à Deo immediate edoctis. Denique utraque Theologia iterum diuiditur in Positivam, quæ fusori filo, & modo oratorio facras litteras, & mysteria fidei exponit; & Scholasticam, que artificiosâ methodo, & syllogisticè rerum diuinarum notitiam tradit. Et hæc rursus subdiuidi potest in speculativam, qua tota ficit in contemplatione veritatis, & mysteriorum fidei; & moralem, quæ versatur in directione actuum humanorum, sive in resoluendis casibus conscientiæ. Quibus addunt alij Theologiam mysticam, quæ est notitia diuinorum, in oratione & contemplatione, modo supernaturali comparata: qualis fuit in sanctâ Catharinâ Senensi, Birgittâ, Theresiâ, &

C aliis Sanctis, ac præcipue, & excellentissime, in Angelico nostro Præceptore, qui in omni Theologia genere excelluit, vt disertè declarant R. P. Carmelita Discalecati, in egregia illa oratione exhortatoria, quam primo tomo sui cursus Theologici præfixerunt, vbi dicunt: *Angelicum Magistrum inter omnes alios Ecclesiæ Doctores, omnimodâ Theologiâ, nimirum scholasticâ morali, positiâ, mysticâ, & concionatoriâ, sufficere variegatum, & quasi Josephum inter duodecim fratres penultimum, polymicâ & multicolori tunica, à parente Iacob, præ nimio eius amore, decoratum præfulgere.*

Notandum tertio ex Aristotele 6. Ethic. cap. 4. & D. Thoma 1. 2. quæst. 57. quinque tan-

A

DISPUTATIO PROOEMIALIS

tum esse virtutes intellectuales : scilicet habitum primorum principiorum , qui dicitur intellectus , & versatur circa prima principia , immediatè nota : sapientiam , quæ est notitia rerum diuinarum per altissimas cœlas ; scientiam , quæ est notitia per demonstrationem acquisita : prudentiam , quæ definitur habitus cum vera ratione adiuvi , seu dirigen honestatem morum ; & artem , quæ est habitus cum vera ratione effectius , seu prescribens modum rei aliquid efficiendæ.

Notandum quartò : quod sicut aliquis potest esse verè & substantialiter homo , quamvis non sit perfectus homo ; vt constat in puer , qui verè & propriè participat naturam humanam , quamvis non sit homo perfectus ; eo quod non habeat vsum rationis , nec exercitium libertatis . Ita similiter aliquis habitus moralis , aut intellectualis , potest esse verè & substantialiter virtus , aut scientia : quamvis non sit perfecta virtus , aut perfecta scientia ; quia ratione subiecti in quo est , non habet suum statum perfectum & connaturalem . His præsuppositis , sit

§. II.

Conclusio affirmativa statuitur.

Dico igitur : Theologiam , etiam prout est in nobis viatoribus , esse verè , propriè , & substantialiter scientiam ; licet defectu evidentiæ actualis , quæ caret in hoc statu , non sit perfecta scientia , sed in statu imperfecto & preternaturali . Ita communiter docent Thomistæ , cum S. Doctore hic art. 2. & in 1. sent. dist. 1. quæst. 1. art. 4. & opusc. 70. quæst. 2. art. 2. contra Valentiam , Vazquem , aliasque modernos , contendentes illam non esse verè , & substantialiter scientiam , sed habitum quendam innominatum , medium inter scientiam & fidem .

Probatur primo conclusio : Theologia , etiam prout est in nobis viatoribus , verè & propriè est virtus intellectualis : sed non potest pertinere ad aliam , ex quinque ab Aristotele , & D. Thoma assignatis in tertio notabili , quam ad scientiam , vel sapientiam : Ergo Theologia est verè & propriè scientia , vel sapientia , quæ , vt infra dicimus , est perfectissima species scientie . Minor constat : cùm enim Theologia sit discursiva , non potest pertinere ad habitum primorum principiorum , qui attingit veritates immediate & sine discursu . Non potest etiam esse prudentia , vel ars ; cùm non pertineat ad intellectum practicum , sed speculativum , neque versetur circa agibilia & factibilia ; cùm experientia satis constet , omnem Theologum non esse virum prudentem , aut peritum artificem : ergo solùm potest pertinere ad scientiam vel sapientiam . Maior autem probatur duplíciter . Primo quia Theologia est habitus intellectus , infallibiliter inclinans ad verum : ergo & virtus intellectualis . Consequentiæ patet : nam per hoc distinguit Aristotleles 6. Ethic. cap. 3. virtutes intellectuales , ab opinione , & suspicione : quod hæc non attingunt infallibiliter verum , & quia fieri potest (inquit) ut falsum existimatio , opinioneque quis dicat ; virtus autem intellectualis semper & infallibiliter verum attingit . Secundo , quia cùm Theologia sit habitus perficiens hominem ad benè operandum , inclinando scilicet infallibiliter ad verum , est virtus humana : sed non moralis , cùm non sit perfectiva appetitiva pars ; nec Theologica , cùm non sit per se infusa , sed nostris

A actibus acquisita , vt infra dicimus ; & cùm tres tantum dentur virtutes Theologicæ , fides scilicet , spes , & charitas : ergo est virtus intellectualis .

Secundo probatur conclusio , destruendo præcipuum fundamentum Aduersariorum , consistens in eo quod Theologia caret evidentiæ suorum principiorum , quam illi putant requiriad veram & propriam rationem scientia . Licet enim scientia subalternans habere debet evidentiæ actualis suorum principiorum , ad rationem tamen scientie subalternatæ (qualis est Theologia , vt dicimus articulo sequenti) sufficit evidentiæ radicalis , vel aptitudinalis : id est sufficit , quod ex se & ex natura sua postule conjungi cum subalternante , & in tali coniunctiōne habere evidentiæ actualis suorum principiorum . Ita colligitur ex D. Thoma hic art. 2. in corp. vbi sic habet .

Sciendum est quod duplex est scientiarum genus : quedam enim sunt que procedunt ex principiis nostris lumine superioris scientie , sicut per spectiva procedit ex principiis notificatis per Geometriam , & Musica ex principiis per Arithmeticanos : & hoc modo sacra doctrina est scientia , quia procedit ex principiis nostris lumine superioris scientie , quæ scilicet est scientia Dei & Beatorum . Quibus verbis aperte docet , quod licet in scientiis subalternis , requiratur evidentiæ formalis , & actualis principiorum ; in subalternis tamen , sufficit radicalis , vel aptitudinalis . Ex quo inferit , Theologiam esse verè scientiam , licet prout est in nobis viatoribus , caret per accidens , & ratione subiecti , evidentiæ actuali principiorum : quia per se & ex natura sua , petit coniungi cum scientia Dei & beatorum , cui subalternatur , & in tali coniunctiōne habere evidentiæ actualis suorum principiorum :

quamvis illa , prout est in nobis , propter deficiētum evidentiæ actualis , non habeat modum , nec statum perfectæ scientie . Sicut puer , licet sit substantialiter homo , quia tamen caret vnu rationis , & exercitio libertatis , non censetur esse perfectus homo . Ex quo facile intelliges celebre testimonium D. Thomæ , quæst. 14. de verit. art. 9. vbi dicit .

Quæcumque sciuntur propriè accepta scientia , cognoscuntur per resolutionem ad prima principia , que per se præsto sunt intellectui , & sicomnis scientia , in visione rei presentis perficitur . His enim verbis significat , quædam quæ sciuntur propriè dictæ scientiæ (id est scientia quæ est in statu perfecto & connaturali) cognoscuntur per resolutionem ad prima principia , quæ præsto sunt intellectui (id est quæ sunt euidenter cognita) & si quod omnis scientia in visione rei presentis perficitur . Quæ ultima verba aperte declarant , illum non loqui de scientiæ , quantum ad essentiam , vel substantiam ; sed solum , quantum ad perfectionem & statum .

§. III.

Soluuntur obiecções.

Obijecies primo : D. Thomas in 3. dist. 33. quæst. 1. art. 2. quæstiunc. 4. sic ait : Si esset aliqua scientia , quæ non posset reduci ad principia naturaliter cognita , non esset eiusdem species cum aliis scientiis , neque uniuersa scientia diceretur . Ergo cùm Theologia non resolvat suas conclusiones in principia naturaliter

DE NATVRA THEOLOGIÆ.

3

cognitā, nō est verē & propriē scientia, nec ejusdem rationis cum aliis scientiis.

Respondeo quod ibi D. Thomas probat virtutes infusas & acquisitas differre specie: ad quod declarandum, adducit exemplum in scientiis, & dicit quod si daretur aliqua scientia, que non procederet ex principio notis lumine naturali, sed lumine supernaturali fidei, & diuinæ reuelationis, non conueniret vniuocē, nec esset ejusdem rationis cum scientiis purè naturalibus, vt pote procedens ex altioribus principiis. Quare ex hoc testimonio solū potest inferri, quod cū Theologia procedat ex principiis altioris ordinis, scilicet ex articulis fidei à Deo reuelatis, est diuersæ rationis à scientiis naturalibus, neque conuenit vniuocē cum illis, saltem in genere proximo: non quid illa deficiat à perfecta ratione scientiæ; sed potius quia illam habet cum quadam eminentia & perfectione, que non conuenit scientiis ordinis naturalis, ratione cuius esse minenter speculativa & practica, nec solū habet rationem scientiæ, sed etiam sapientia, vt infra dicemus.

Obiectio secundō: de Deo non potest fieri demonstratio, nisi per effectus: ergo nec dari scientia, saltem à priori, & propriē dicta; & consequenter Theologia qua Deum habet pro objecto, non potest esse verē & propriē scientia. Conscientia patet: Antecedens verò probatur ex D. Thomas 1. contra gentes cap. 25. sic dicente: *Ex his etiam patet quod Deus definiri non potest: quia omnis definitio est ex genere & differentia. Patet etiam quod non potest etiam demonstratio de ipso fieri nisi per effectus; quia principium demonstrationis est definitio eiusdem de quo sit demonstratio.*

Respondeo negando antecedens: ad cuius probationem, in primis dico, Diuum Thomam ibi solū negasse, posse dari deo demonstrationem à priori, per veram & realem cauam, non autem demonstrationem quæ per causam virtualem procedat, quæ sufficit ad perfectam rationem scientiæ.

Secundō respondeo, D. Thomam ibi solū negare demonstrationem perfectam deo, & quæ ad perfectam subjecti definitionem reducatur; non autem negare omnem demonstrationis modum, sufficientem ad rationem scientiæ à priori. Ut enim ipse docet h̄c art. 7. ad 1. *Licet de Deo non possimus scire quid est, vniuociter effectus, vel natura, vel gratia, loco definitionis ad ea quæ de Deo considerantur.* Ex quibus verbis non licet inferre, scientiam quam de Deo habemus, esse tantum à posteriori, & per effectus: nam semel natura Dei cognitā per effectus creatos, vel per lumen diuinæ reuelationis, illâ mediante, à priori descriptiū cognoscuntur Dei proprietates, quæ à naturā Dei, tanquam à ratione à priori & causâ virtuali diminantur.

Obiectio tertio: Scientia propriē dicta, est habitus certus & euidens: sed Theologia non est euidens, cū procedat ex principiis obscurè reuelatis, & fide diuina creditis: ergo non est propriē scientia.

Respondent aliqui: de ratione scientiæ in communi, & prout abstrahit à naturali vel supernaturali, solū esse attingere infallibiliter verum, per discursum formalem aut virtualem: euidentiam verō requiri solū in scientiis naturalibus, propter certitudinem, & adhesionem intellectus ad verum: vnde cū Theologia sit

A ordinis supernaturalis (radicaliter saltem & obiectiuē, vt infra dicemus) & habeat certitudinem sine euidētia, sine illa est verē & propriē scientia.

Verū hæc responsio non coheret cum Doctrina D. Thomæ, qui 1. 2. quæst. 67. art. 3. ait, *De ratione scientiæ est, quod habeat firmam inhesionem, cum visione intellectuua.* Et in 3. dist. 23. quæst. 2. art. 4. quæstiunc. 1. docet quod fides non est virtus intellectualis, eo quod non habeat conspicuam veritatem. Ex quo aperit colligitur, quod si etiam Theologia, per se & essentialiter esset ineuidens, non esset virtus intellectus, nec proinde scientia.

Meliū ergo responderetur, euidentiam eodem pacto esse de ratione scientiæ, quo esse difficile mobilem, est de ratione habitus. Vnde sicut habitui, quī per se, & ex sua natura, est difficile mobilis, per accidens, & ex conditione subjecti, potest conuenire esse facile mobilem: ita scientiæ, quæ per se & ex natura sua est euidens, per accidens & ex conditione subjecti, conuenire potest obscuritas & ineuidentia. Et ita contingit in Theologia, illa enim per se, & ex natura sua est euidens, lumenque gloriæ, quo Deus clare videtur, postulat pro habitu principiorum: per accidens verō, & ex conditione subjecti, ei conuenit esse ineuidentem, & habere pro habitu principiorum lumen fidei obscurum. Quare cū dicitur, quod scientia est habitus euidens, hoc debet intelligi, per se & ex natura sua; vel de euidentia formali, aut radicali, vt anteā expusimus.

Obiectio quartō: de singularibus & contingentibus non potest dari scientia, vt docent Philosophi: sed Theologia versatur circa singulatia, agit enim de Christo, de Beata Virgine, de Adamo, de Antichristo, &c. Et circa contingentia, nam disputat de actibus humanis, de peccatis, de merito, & iustificatione, quæ sunt actiones liberae & contingentes: ergo non est scientia.

Respondeo quod quamvis de singularibus & contingentibus, non possit dari scientia naturalis, benē tamen scientiæ reuelata: id est, procedens ex fide, & diuinæ reuelatione, qualis est D. Theologia, Ratio disparitatis est, quia scientia purè naturalis, dependet ex lumine naturali primorum principiorum, quæ versantur tantum circa vniuersalia, & necessaria; scientia vero supernaturalis & reuelata, dependet à lumine supernaturali fidei, & diuinæ reuelationis, se extendentis etiam ad singulare & contingentia, quæ prout subsunt tali lumini, necessaria sunt, necessitate saltem infallibilitatis, vt docet D. Thomas 2. qu. 1. art. 3. his verbis: *Deum incarnari, secundum se consideratum, sicut possibile, etiam post tempora Abrabæ: sed secundum quod cadit sub prescientia diuina, habet quandam necessitatem infallibilitatis;* & hoc modo cadit sub fide, vnde prout cadit sub fide, non potest esse falsum.

Obiectio quinto: Scientia subalternata naturalis, in absentia subalternantis, non est verē scientia, sed opinio, vel fides humana: ergo similiter Theologia, vt est in nobis viatoribus, in quibus est separata à scientia beata, cui subalternatur (vt dicemus art. sequenti) non erit verē & propriē scientia, sed fides, vel opinio, aut potius aliquid medium inter scientiam & fidem.

Respondeo primō, negando antecedens: multi enim ex Schola D. Thomæ, non improbabiliiter existimant, scientias subalternatas ordinis

A ij

Tom. I.